

02.06.2009

## SÄMITIGE STIVRÄ CEELHIJ PUÁSUITUÁLU- JÁ LUÁNDUIÄLÁTTÁSÄI RUTTÄDEM-LAAVÁST

Sämitige stivrâ adelij 17-sijđosâš ciälkkámuš Eennâm- já meccituáluministeriö valmâštállâm stivrâ iävtuttâsâst puásuituálu- já luánduiäláttâsâi ruttâdemlaavâst (maŋ. POLURA) čuákkimistis 28.5.2009.

Sämitigge oonij pyerrin já oonij tom lemin še agâstállum, et iävtuttâsâst torjuu uázžoi aherääji lop-tejuvvo 63 ivveest 65-ihán. Positiivlâš lii meiddei tááláast ucánjáhháa pyerebeh haahâmtorjuuh-moottorkiälhái já muávloi hahâmân sehe puásuituáluu vuáđutivomân.

Sämitigge lii uáli tutâmettum tom vuáhán maht POLURA-lahâasâttâs lii valmâštállum. Ive 2007 vuáđulahâvâljukodde lii vaattâm, et sämitige ovdâstem lahâvalmâštálmist kalga visásmitted aalgâ räájist já staatâräädi kalga riemmâd olesudâsmitmân, mast sämmilij kulttuurlâš já vuoigâdvođâlâš sierânâssajattâh váldoo ääšimiäldásávt vuotân. Vuáđulahâvâljukode raavâ ij lah olášum. Sämitigge uáiná-uv POLURA iävtuttâs lemin čielgâsávt säämi aalmug já säämi puásuituálukulttuus olgošteijee verdittijn máddáapiälááš puásuituáluu. Sämitigge lii uáli tutâmettum lahâteekstân já ton sistetoollâm äššifeiluid já teevstâst spejâlistee munejuurdâlâšvuotân säämi puásuituálu kuáttá. Sämitige uáinimčievâst iävtuttâs POLURA:n ij oovdâst šiev lahâvalmâštállâmvyevi.

Sämitigge iävtut-uv, et POLURA kolgáččij tivvoođ tai valmâštállâđ ollásávt uđđâsist váldimáin vuotân vuáđulahâvâljukode ravvuid já sâmikulttuur syeje. Ciälkkámušâstis Sämitigge täävist POLURA-pargojuávkun toohâm iävtuttâsâs kuáđuttemtorjust, mon kalga turviđ sierânâsruttâdâssáin, já mii ij lah POLURAst kiddâ. Sämitigge iävtut, et sâmikuávlun väriduvvo 420 000 euro ihásâš kuáđuttemtoorjâ. Torjuu meeri vuáđuduvâ sâmikuávlun palgâsij olášum ruttâtuáluu puásuitipšomiv-veest 2007-2008. Torjuu rekinistem vuáđustâssân lii kuáhtulâšvuotâ já oovtviárdâsâšvuotâ. Torjuu uáivilin lii sajanmäksiđ kuáđutmist šaddee paijeelmiárâsâš puáldámuš- já kálvudâhkoloid. Lasseen torjuu pehti tähiduvvo puásuituáalleid täsipiälâsâš kohtâlem. Eres puásuituáluuávlust puásuituáallei tienâstääsi loptejeh syeini- já piäldusajanmáávsuh. Eromâšávt torjuin tähiduvvo säämi puásui-tuálumaali jotkum.

Sämitigge iävtut, et staatâräädist riämmoo jotelávt valmâštállâđ puásuituálulaavâ olesudâsmittem mast váldoo vuotân säämi puásuituálu aalmugijkoskâsâšvuoigâdvođâlâš já vuáđulavâlâš syeji. Puásuituálulaavâ uđâsmitmist kalga suogârdállâđ meiddei vuovijd moi vievâst torvejuvvojehe säämi nisonij máhđulâšvuodah porgâđ puásuituáluu.

Sämitigge pááhud, et POLURAst iävtuttum nuorâ puásuituáluupargei algâtemtoorjâ lii páhudum tuáimee vuáhádâhhân já eromâš tárbulâžžân sâmikuávlust. Torjuu ruttâdem lii nuuhâm ovttuu koskân ige puohháid halulijd já toorjâiävtuid tevdee occeid lah puáhtám miedettiđ ruttâdem. Ruttâdem ij koolgâ vuáđududâ kuorâttállâmvrâsâšvuotân já ruttâdem kalga turviđ toorjâiävtuid tev-tee occeid. Algâtemtorjuu meereest já miedeetmist kalga váldiđ vuotân sämmilij vuáđulavâlâš sa-jattâh já sâmikuávlun noonâ säämi puásuituáluuärbivyehi.

Sämitige ciälkkámuš kávnnoo ubbân čujottâsâst [www.samediggi.fi](http://www.samediggi.fi) – lausunnot 2009.

Lasetiäduh:

I värisaavâjodetteijee Irja Seurujärvi-Kari

0505764433

[irja.seurujarvi-kari@samediggi.fi](mailto:irja.seurujarvi-kari@samediggi.fi)